



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

caput sextum. De Hispania & quibus modis ea ab haeresi fuerit
praeservata.

urn:nbn:de:hbz:466:1-10880

DE HISPANIA, ET QUIBUS MODIS
ea ab hæresi fuerit præservata.

CAPUT SEXTUM.

ARGUMENTUM.

- I. Hispania tribus rebus ab hæresi præservata.
- II. Fraternitates religiose.
- III. Cruciatæ ejus institutio, ordo, & proventus.
- IV. Inquisitio, & ad quid instituta.
- V. Inquisitio in Galliis ob hereticorum crudelitatem, eiusque necessitas.
- VI. Inquisitio Hispanica quo crima puniat. Pontius Leo cur condemnatus. Casalio ante supplicium, ad Catholicam fidem conversus.

I. Q uemadmodum experientia docuit non nullos, fulmen perrupta horrendo cum tonitu nube, in terram dejectum, eorum in qua reiederit animalium corpora, si viva ipsi occurrerint, non comburere: sic hoc loco similiter nobis ab omniscia illa magistra discendum est, Deum, qui hæreses fulmen sua manu tenet, si quando illud in terram & magna imperia ejaculetur, non tamen ea perditumire quamdiu suæ ipsa invigilant salutem, ac vitam aliquam in se habeant. Hoc pulcherrimo symbolo adumbravit S. Joannes in Apocalypsi sua cap. 9. loquens de Lutheri locustis: *præceptum est illis ne ledent sœnum terra, neque omne viride, neque omnem arborē, nisi tantum homines, qui non habent signum Dei in frontibus suis*. nempe Confirmationis: Itaque hæresis quæ nihil aliud quam animatum querit exitium, omnia illa regna vastat quæ vita ac spirito vacua fuerint, id est, in qua omnis religionis cura velut intermortua fuerit atque extincta. Germania quidem, Francia, Anglia, Polonia, Bohemia igne hoc fere penitus conflagarunt; at Hispania ingruenti hæresi viva ac valida occurrent, flammam illam hæreticæ contagionis evaserit. Id quidem post divinam gratiam, Catholicorum Regum curæ, diligentiae & pietati acceptum ferendum est, qui memorē vulgati istius,

*Tunc tua res agitur, paries quum proximus ardet,
& ipsi nascenti, aut nondum etiam nascenti malo
remedium adhibuerunt, & aliis rationem prohibendæ hæreses commonstrarunt. Sed quoniam
huc nos oratio deduxit, vehementer sane peccare
mihī viderer, si remedia hic non indicarem, quibus*

omnia Hispaniæ tam longè lateque patentia regna contra fulmen hoc, quod in ceteris Orbis partibus tot tantasque strages dedit, fuerint præmunita, & illæsa conservata; & illo quidem tempore quo Turcæ ab Oriente arma minabantur, ad Occidentem tumultuabantur Saraceni seu Mauri, ad Meridiem Arabes, ad Aquilonem vero hæresis pleno gradu gravabatur. Nemo hic sibi singat quod Hispania ideo tuta constiterit quod ipsa in formam bubulae pellis extensa à tribus partibus duplice mari, Oceano nempe & mari Mediterraneo, & reliqua parte naturali quodam vallo, montibus nimis Pireneis, clausa ac munita sit; in his enim omnibus contra hoc mali genus nihil ei fuit præsidii; sed potius in summa Regum diligentia, qua illi operam semper dederunt, ne quid Catholicæ religio acciperet detimenti. Horum singulari prudenter tres præcipue res institutæ sunt, quibus potissimum hæreses profligatae & Catholicæ conservatae est religio: videlicet *Hermundatus sive sancta Fraternitas, sancta Cruciatæ (Croisade vulgo) & sancta Inquisitio*. Hæc area illa scuta, vel cœlestia potius sunt ancilia, quorum nitor Lutheri oculos ita perfixit, atque excæcavit, ut velut Democritus ille, in tenebris hinc inde palpans, nullum in Hispaniam aditum reperire, aut vel paullo in ea longius progredi poterit, quamvis animus & conatus numquam decesserit. His tam laudabilibus tamque salutaribus circa animarum curam institutis factum est, ut Hispania hæresis jugum evaserit, quod tamen illa toti Mundo imponere, sibique in terra velut monarchiam instituere cogitabat. His in tanta rerum omnium confusione ordo conservatus: his à superbo diaboli, infasti infelicium hæreses architecti, dominatu vindicata fuit Hispania. Rigor ille contra hæreticos adhuc optatum Dei sponsæ quietem & tranquillitatem reddit, & nativum splendorem ac pulchritudinem conservavit. Ringantur insfrunti hæretici, fremant & frendant quantum volunt, calumnientur justiciam, inhumanitatis, crudelitatis accusent: nos certe tot tantæ bona ex his nata ac quotidie nascentia videntes, sancta hæc instituta non possumus non laudare, cum regna quæ illis caruerunt, centuplo majoribus malis bellorum civilium fuerunt implicata per hæreticos, quam mala illa sint, quæ in solos fontes per Inquisitionem, &c. illa remedia sunt inficta. Cujus &c. quanta sit utilitas & bonitas, nullum certius arbitror reperi argumentum, quam quod camalis & hæreticis non placent. Equidem vix quid-

Quidquam est quod pluribus turpioribus atque atrocioribus calumnias petitum atque diffamatum sit quam ista in Hispania usitatæ administrandæ justitiae ac conservandæ Catholicæ religionis rationes atque instituta. Nos tamen nihilominus iustis & idoneis rationibus facile, spero, evincemus, & æquo Lectori persuadebimus, Reformationem hanc, quam Novi isti Reformatores Ecclesiæ (qui omnia deformatur) cane peius & angue oderunt, re ipsa sanctam, justam atque utiliem esse. Ordine ergo quid sit Hermandatus, tum Cruciatæ & Inquisitio, explicabimus.

II. *Hermandatus*, quod verbum Fraternitatem significat, exacta justitiae species est, persequendis maleficiis, qui se fuga subduxerunt, interficiens. Hac utuntur, ad comprehendendos facinorosos, quum alia media desunt: insequunturque eos, qui magnum aliquod crimen admiserunt, quocumque etiam sese contulerint, sive ea ditio Regi Catholico pareat, sive non. Quam ad rem exploratores adhident, qui se in familiaritatem eorum, quos querunt, insinuant: nec cuiquam rei parcunt, quæ faciat, sed omni industria, atque omnibus, quos ex cogitare possunt, modis conantur reum molliter ad se retrahere, atque in eam regionem, unde clapsus est, revocate. Adeunt hominem sub specie aliquid amicitiae, ac intimam familiaritatem cum ipso contrahunt, indigentem pecunia, ægrum, aut in alia necessitate constitutum omni ope juvant: atque ita hac amoris simulatione inescatum, in plaga jam antea præparatas conjiciunt, & in manus justitiae tradunt. Quod si dissidentia hoc consilium temoretur, tentant persuadere homini, ut vel navis vel currus quem ipsi in hoc emerunt, iter aliquod animi gratia faciat: quo perductos abducunt quo volunt. Hac arte non raro Lutetiae, Constantiopolis, & in Germania abrepti sunt nobiles viri, & in Hispaniam ducti, ingentibus in eam rem impensis sumtibus, magna que industria captatae rei absque tumultu gerendæ opportunitate. Qui in sanctam hanc Fraternitatem adscripti sunt, in ipso munericu sibi exercitio, viridi vestitu, & pro armis, arcu fere utuntur. Habet hæc societas ad sustinendos tanti oneris sumitus, ingentes redditus, quibus, quum enormis aliquis facinoris reus persequendus est, minimè parecunt. Non admittuntur ad Fraternitatem, nisi delecti, inculpati, vita probatae, honesto loco nati, munerum & corruptionis aspernatores, validi, & ad tale negotium apti. Utque promptior sit negotii ipsis commissi expeditio, cautum est per

totam Hispaniam, ut in quovis oppido, castello, aut pago, ubi magnum aliquod facinus commissum est, continuo campanarum sono signum detur omnibus, indagandi quid sit, ac omni studio explorandi, quoniam sese recipiat is, qui fugit: statimque Hermandatus loci ad suas partes agendas sese accingunt. Hodie hæc Fraternitas in multis Hispaniæ locis tanta religione observatur, ut homicidia, rapinae, aut alia crimina ibi raro committantur, aut certè, si qua commissa fuerint, præsentissimam pœnam non effugiant. Præclara sane Fraternitas, cuius tam admirabilis est fructus, ut virtutis augmentum, & tam opulentii Imperii (Justitia enim Regnorum est conservatrix) merito basis appelletur, dixi breviter quid sit Hermandatus. Jam, quid sit Cruciatæ, videamus.

III. Cruciatæ duas ob causas constituta est: primum ad colligendam pecuniam, quæ bono orbis Christiani, redimendis apud Infideles factis mancipiis, faciendoque infidelibus & hereticis bello impendatur: deinde, ut confset, num quis pietatis, & Sacramentorum frequentationem negligat. Observat hæc Cruciatæ etiam in Italia, & Romæ quidem, cum in finem instituta, ne quis Mahometano, aut Judaico, aut heretico more vivat. Huic ordini omnes & singuli, sine discrimine sexus, anno ætatis septimo nomen dare tenentur: nec quisquam admittitur ad confitendum, nisi bullam Cruciatæ habeat, quam redimunt plebei quidem binis, ut vocant, Regalibus, magnarum vero familiarum principes, octonis. Res in hunc modum administratur confesus ex Ecclesiæ Catholicae præscripto circa Paschatis tempus ad mensam Domini participatus ejus corpus accedit: quo sumto, tessera accipit, qua scriptum est, eum hoc anno & hoc die sacra communione usum esse. Post Octavam festi, parochus, aut alijs, cui hoc negotium datum est, per totam parochiam capitativm tesseras istas colligit, teneturque paternfamilias aut hospes sistere omnes illos, qui octiduo ante festum Pascharis domi ipsius, habita inquisitione, inventi fuerant. Quod si quis tessera, aut justam excusationem non habeat, in vincula conjectur, & pecunia multatatur: si vero hereticos suspectus sit, ad Inquisitorem mittitur. Muneri huic præsunt Archiepiscopi, Episcopi, & alii integræ & irreprehensibilis vita homines: qui etiam summam judicandi potestatem habent. Commissarius generalis Anno M.D.XCV. fuit Cardinalis Franciscus Avila. Reditus Cruciatæ opulentii sunt admodum: Sancta vero appellatur

D^o 3

pellatur

pellatur, ob fructus quos sanctæ Catholicæ religioni afferunt.

IV. Etsi vero duo illa quæjam recensuimus Justitia tribunalia ad pacis & Catholicæ religionis in Hispania conservationem plurimum attulerunt adjumenti, non minus tamen utile fuit Inquisitionis munus; quod veluti firmissimus agger, fœdissimam hæreses eluvionem coercuit. Quia vero tam odiosi à nonnullis Inquisitio hæc traducitur, formam procedendi quæ in ea observatur, describere opera precium mihi videtur. Inquisitionis origo non ad Lutheri, sed ad ea tempora refertur quibus Saracenis à Ferdinando Aragoniae Rege devictis, in Hispania vivendi certis conditionibus permitta fuit licentia, ut nimirum certum perfolverent tributum, atque interim religionis causa vis eis nulla inferretur. Bello confecto, & barbaris illis subjugatis, dictus Rex imperium suum ita constitendum sibi existimavit, ut Ecclesiæ dignitati ac saluti simul prospiceretur; atque in primis damnabiles superstitiones eradicarentur. Doctis ergo quibusdam viris negocium dedit in ea quæ ad Religionem pertinent inquirendi, & cavendi, ne Judæi vel Mahometani, quorum adhuc ingens erat in regno numerus, ziania sua disseminarent. Hæc conservanda Catholicæ religionis diligentia tam ipsi quam successoribus Catholicæ nomen ac decus peperit; quamvis nonnulli titulum hunc Alfonso Galæcia regi à Papa Gregorio III. tributum ferunt, eo quod regnum suum Arriana hæresi purgasset. Tum temporis Iacobini Monachi (quorum ordo à Dominicano Hispano Caliguritano, Lexoviensis diocesis institutus fuit) in tanta erant existimatione, ut Rex Catholicus in omnibus quæ ad Religionem pertinent; eorum staret judicio: quod illi magna severitate exercebant, In Catalonia enim regno, instituta contra Albigenses inquisitione, ossa Arnoldi Castelboni & Ermolyns de Bronicende filiæ, qui avus fuit Rogerii Bernardi Comitis Foxiensis, effodi atque exuri, ac cineres in aerem projici jusserunt, quod hæresis crederentur fuisse participes. Sed res tota Anno m. c. D. xxv. per Cardinalem Petrum Consalvum Mendozam, Sixti IV. Pontificis interveniente auctoritate, fuit composita. Et hi quidem primi fuerunt Inquisitionis auctores; sed quia devictis Saracenis severius aliquando illa contra Judæos & Mahometanos fuit exercita, origo ad Ferdinandum refertur. Hæcjam olim à Papa Sixto IV. & Rege

confirmata fuit, circiter Annum m. c. D. lxxv. ob innumeras nequitias quas Judæi in contumeliam Christianæ religionis committebant: eademque postea Lutherò dogmatizare incipiente, antiquæ conservandæ religioni magno fuit adjumento, atque obstitit, quominus tam ipse, quam alii novarum sectarum conditores in Hispania quoque regnis novam Babylonem, ut in Polonia, Germania, Bohemia, Anglia & Belgio exædificariint. Eius vero hic est ordo & processus. Quicunque hæreses suspectus fuerit, ab officiario quem Familiarem vocant, coram Inquisitoribus comparere jubetur. Nulla hic fuga, nulla dilatio. Nihil assus, liber dimittitur, constituto tamen Coryaco qui omnia eius nihil tale cogitantis dicta & facta observet. Si quidquam Romana Ecclesia contrarium in eo animadvertisatur, Inquisitorum iussu comprehenditur, & iudicio sistitur. Illud vero notatu dignum est, quod tam contra accusatorem quam reum diligens habetur quaestio, utrum scilicet vir bonus sit, ac præcipue num inter ipsum & delatum inimicitia intercedant. Sed & quem Familiarem vocari diximus Officarius talis eligitur qui in iis qua ad Religionem pertinent inculpatus, & qui à quarto gradu usque tam paterna quam materna cognationis è Christiana prosapia sit ortus. Auditio ac dimissio reo, Provisor, seu Vicarius, vel Diæcesanus vocatur, & ad eius relationem accusatus vel liber pronunciatur, vel in vincula concicetur. Fugientem Alguazil seu littor Inquisitione persequitur; itemque Hermandatus seu Fraternitas, de qua supra: tantoque major hic adhibetur diligentia quanto fugiens maioris est auctoritatis & conditionis. Capti bona omnia consignantur; damnati, confiscantur. In his omnibus administrandis Iudices summan adhibent integratem: qui omnes opulentissimi sunt, & ab avaritia aut corruptionibus alieni. Ut vero levæ ac temeraria accusationes impediuntur, si qui falso aliquem aut per invidiam accusasse deprehensus fuerit, severè puniatur. Capti omnia præter vestem auferuntur. Vbi occiduum circiter in carcere defederit, à custode carceris monetur ut à Iudicibus audientiam petat: qua impetrata, ab iisdem monetur, suppresso interim accusatoris nomine, ut culpar suæ sponte fateatur, promissa, si id fecerit, impunitate; & econtra terrore mortis ob oculos posito. Si nihil assus fuerit, in carcere reducitur; ac deinceps iterum atque iterum iudicio sistitur, utque sua conscientia rationem habeat, monetur. Si omnibus artibus nihil ab eo excupi queat, crux & Missale portantur super quibus juramentum facere recusans, statim damnata.

damnatur. Iuratus, non tamen statim absolvitur, sed infinitis questionibus, de patria, amicis, &c. urgetur. Vbi nihil saceri eum Iudices violent (qui enim bene instructi sunt, numquam seipso accusant, nec prius loquuntur quam ea quorū accusantur intellexerint) tum accusationem et aperiunt, testium tamen aut delatorum nomina reticent, de quibus divinare magis ex priuatis inimicitis quam certi aliquid scire licet. Inde Procuratorem seu Advocatum sibi eligit, qui ab eo informatus, ad singula respondeat: quod melius est quam si è vestigio respondere cogatur.

Duo testes fide digni atque irreprehensibiles, ad rei damnationem sufficiunt, non tamen semper, presertim si de capite agatur: prætor vero, apud quem captivi asservantur, solus sufficit; unus tamen testis ad torturam non sufficit, nisi certas conjecturas aut alias graves habeat rationes. Postquam diebus aliquot reus de testibus seu delatoribus conjecturam fecerit, productus Inquisitores interrogat: num ab hi vel illis inimicis scilicet suis, sit delatus. Quamvis autem testium nomina divinare aut scire non possit, aliis tamen rationibus purgare se potest, nemirum si probaverit se cum Ecclesiasticis habuisse amicitiam, obseruasse præcepta Ecclesie, dies festos, jejunia, Missus audiisse, &cetera qua heretici impugnant, obiisse. Ad haec producenda novem dies integri reo conceduntur. Exploratio omnibus, Inquisitores, qui sunt Ecclesiastici ordinis & Theologici, de fide responsa examinant: quibus si innocentiam illi suam sufficienter probaraverit, absolvitur, non tamen sine dura aliqua paenitentia, si metus aut suspicionis causa adhuc subsit; si que in carcerem dicitur donec de fide eius plene cognoscatur. Quod si ex ore eius nulla probatio extorqueri posse que vel ad condemnationem vel absolucionem sufficiat, tortura res agitur, que in Hispania fidiculis tantum fit aut aqua, etiam quocunque ob delictum. Sed & supplicia ibi non tam atrocias sunt, ut in Germania, Gallia, & Italia. Heretici igne puniuntur. Cetera suppliciorum genera que rotæ, corporum dissectionibus in quatuor partes, equorum distractiōnibus, &c. sunt, Hispania ignota sunt. Ad incursum vero terrorem, reus cum vicario suo in locum subterrānū, horroris plenum dicitur, ubi iam ante Iudices confederunt. Interim carnifex nigro habitu ac tecta facie, spiritus infernalis specie, ei occurrit, & ad Iudices abripit: qui precibus & minis ab eo contendunt, ut ultronea confessione tormentorum dolores redimat. Nihil saceri volentem, Iudices carnifici torquendum tradunt. Si quæstione hac quoque nihil ab eo exprimatur, infinita alia artes illaqueandi hominem adhibentur. Subor-

natur qui heres causa se quoque captivos simulant & familiariter cum ipso conversantes, omnia eius dicta & facta observant. Vbi certis argumentis reus hereticos convictus fuerit, igni adjudicatur: sive flava tunica, in qua diabolorum horribiles species picta sunt, (id genus vestis Sambenit vocant) indutus, & pileo ad turricula instar, in quo homo ardens, & diabolus capiti eius insidens, itidem pictus cernitur, ad supplicium educitur, epistomio prius ori inserto, ne ad populum loqui possit, si obstinatus maneat; si vero confessus fuerit & ante sententiam deflatam, pœnitentiam egerit, incredibili omnium gaudio, pœna expiandis ipsius delictis imposita excipitur. An ullajustior aut lenior hæresin, que tantopere Mundum afflixit, coercendi ratio excoxitari possit? Quod si quis institutum hoc cum iis legibus quas hæretici in locis imperio suo subjectis de religione tulerunt, comparaverit, Inquisitio multo illis tolerabilius videbitur. Id si cui dubium est, videat, quæso, quam multa crudeliter passim ac nefarie hæc tenus, ac præcipue quam primum emergere coepit hæresis, patrarint. Quid rapinæ, quot cædes ab ipsis sine ulla inquisitione, sine ullajudicii forma designata sunt? ut ipsis Arabibus & Mauris deteriores merito videri debent. Quid quod solum sacerdotis nomen in multis justa supplicii causa visa fuit? quod ipso Christo Domino nostro sacerdote in æternum, haud dubie clam supplicio iidem persequuntur.

V. Inquisitio porro ejusmodi ob justitiam Franciæ ita placuit, ut ipso effectu ab ea fuerit recepta. Et quidem Edictum illud Romorantinum, a privato Regis Consilio omnibusque Franciæ Parlamentis approbatum, hæretici Hispanicam Inquisitionem nominarunt, ut in quo de hæresi qualiter ad prelatos tantum & Ecclesiasticos remittitur, omni de ea cognoscendi potestate secularibus Iudicibus ademta; & omnes alterius quam Catholicae religionis exercendæ causâ instituti Conventus, laicæ Majestatis criminē condemnantur. Sic enim Edictum habet:

Ve vero secreta ejusmodi conjurationes in lucem protrahantur, mandamus sub iisdem pœnis ut omnes qui quoquo modo consciæ fuerint aut consenserint, statim rem omnem Iudicibus aperiant, & rerorum sive complicium nomina deferant: quo in casu bona fide & sub verbo regio impunitatem reis, non reis vero, quingentas libellas Turonenses, è damnatorum bonis confiscatis ante omnia solvendas, promittimus. Omnes etiam Prædicantes, qui à Pralatis aut iis qui eius rei potesta-

tentes

rem habent; non ordinati fuerint; itemque omnes libel-
lorum famosorum & aliorum scriptorum quae ad nul-
lum alium finem, quam ad seditionem spectant, auto-
res, tum impressores, venditores, & quicumque eius-
modi libellos & scripta disseminaverint; declaramus
& haberi volumus pro rebellibus, nostris & publica
quieti inimicis, ac reis criminis laesa Majestatis, eosque
iisdem paenitibus quibus seditiones & clandestinorum con-
venticulorum autores, supra dicto modo ab iisdem In-
dicibus puniri jubemus. Ne vero Edicto hoc nostro
quisquam per malitiam ad calumniam abutatur: vo-
lumus & mandamus ut omnes calumniatores, & qui
falso aut maliciose aliquem defulerint, iisdem paenit
afficiantur, quibus reperacti erant afficiendi.

Quod si Edictum hoc quam sancte conceptum
& promulgatum, tam strenue exsequutioni de-
mandatum fuisset, tot tantisque malis ac miseriis
Francia numquam esset involuta. Rigidum quibus-
dam visum fuit, at profecto, si tempora ista conside-
remus, a superioribus etiam remediis erat opus. Nul-
lum umquam saeculum atheismi aut heresone, ex
Calvinistica novatione exortarum, fuit feracius.
Quamvis autem omnia quae hac de re dici possunt,
vel enumerare admodum difficile sit, pauca tamen,
velut exempli causa, indicabo. Promulgato, uti di-
ximus, regio Edicto, ne quis hereticus in Francia
publicas conciones haberet, Rector quidam Col-
legii Rothomagensis, quatuor linguarum peritia
se factans, in vetitum nitens, & Regie Curiarum
auctoritati medium quasi ostendens digitum, sug-
gestum cōscendit, ac conciones habuit, magna ac-
currente Hugonotarum multitudine; quamvis An-
abaptista esset, dicens inter alia, Propinquam An-
tichristi ruinam diuinitus sibi esse revelatam: à Deo se
electum ducem, ut ipsius voluntatem exsequeretur: spe-
cialiter sibi à Deo mandatum esse, ut omnes malos
Principes ac magistratus interficiantur; promissumque
non prius moriturum, quam novus sit & ab omni pec-
cato purgatus ac purus. Mundus constitutus. Idem
Prophetam se simulabat, & vaticinatus, tam
quam ad tripodem Apollinis se prosternens, horri-
biles gestus edebat. Certiores haec de re facti curiae
Iudices, hominem comprehendijusserunt: verum
is praefecti, qui Calvinista erat, opera ex urbe eva-
fit ruri tamen ab agricolis agnitus, & in carcere
traditus, ac tandem unā cum duobus cognatis, ad
ignem damnatus fuit. Sed illi spectato miseri homini
nis vivi combusti supplicio, heresim ejurarunt, ac
penitentiam egerunt. Dici vix potest, quam multi
libelli à furiosis hominibus scripti undique pro-

dierint, quibus Regia auctoritas turpiter pedibus
proculcatur, & optimi quoque Principes ut ty-
ranni Nerone ac Domitiano crudeliores diffaman-
tur. Quam tu mercedem hos meruisse putas? Qui
volet, legat Calvini eo tempore scripta edita: nulla
pagina occurret quæ non injuriosis contra Principi-
um auctoritatem, contumeliosis ac seditionis vo-
cibus plena sit. Quid Ambosiana illa contra Fran-
ciscum II. Regem conjuratio? quam pœnam mere-
tur? Tum Quid Guiteriana illa contra Carolum
IX; Quid Hugonotarum cum Turcis confederatio
Basileæ conclusa? ubi Beza, Mallotus, Viretus, Se-
gurius, Clemens, Rentius, Damursius & alii præ-
fentes fuerunt. Quid de cædibus dicam innumeris
per omnes totius Franciæ provincias commissis
Rupellæ triginta sacerdotes ferreis hamulis in tur-
ri speculatoria cæsi; & mox inde in aquam præci-
pitati sunt. Quis nescit apud Engolismenses, Petracorios,
& alibi sepulchra aperta, & cadavera in
quibus parum adhuc carnis restabat, pugionibus
confossa? Anne hereticæ crudelitatis sufficientia
sunt testimonia & argumenta, puteus Nemausen-
sis, cædes Fumellana, inhumanum genere quidem
nobilissimi, sed flagitiis multo nobilioris factum,
qui tanta cum infamia in femina quadam, ad quam
apud Petracorios diverterat, hospitalitatis jura
violavit. Annon Monbrissonii Hugonotæ Catho-
licos ut seipso de turri præcipitarent, coegerunt
Fleaci iidem sacerdotum capitibus tamquam glo-
bis luserunt. In parochia Callenevillana heretici
Ludovicum Faiardum probatae vitæ & doctrinæ
sacerdotem nova forma degradarunt, immisiti in
lebetem oleo ferventem ipsius manibus ac deinde
oleo super caput atque in os infuso. Quid hac cru-
delitate magis barbarum atque inhumanum dici
aut excogitari possit? Quod si tum in hoc regno uti
in Hispania Inquisitio in usu fuisset, facile quum
haec aliaque innumera sceleræ, tum illa mala quæ
ob religionis dissidium misera Francia pertulit,
præcaveri potuissent, cuius honor tot tamque in-
famibus flagitiis valde fuit confusus; tum su-
prema Regum auctoritas ab ipsis subditis pesum-
data, ut qui ceu Furiis acti, suorum Principum ci-
neres in ventum projiceret non dubitarunt. O igitur
jam felix, O beatum saeculum, quo nihil talè vide-
tur vel auditur!

Hanc tibi debemus, Rex Augustissime pacem,
Cuius monstra manus compescuit omnia: munus
Hocce tuum est, quod iam voces, Hugonota, Papista
Desierunt. Omnes titulo censemur eodem

Iam

Tam Cives Peragit tutus sua sacra sacerdos:

Pastor tutus orves agit, & mare navita sulcat.

Nimirum hanc nobis peperit tua cura quietem:

Subque tua dextra tui requiescimus umbra.

VI. Sed in Hispaniam redeamus: in qua ad Inquisitionis tribunal non quæstiones tatum de hæresi, verum etiam blasphemias, & in Deum ac Santos contumeliosas voces deferuntur. Sic Michael de Barro Navarræus & de Rege suo bene meritus, Ordinis S. Jacobi Commendator, quem aliquando pro vita deo, id est, per Dei vitam jurasset, tristitia & unum dies in compedes fuit conjectus. Quia de re quam apud Regem esset questus, Rex filium suum ipsi socium se additurum respondit qui catenarum pondus dimidiatum cum ipso ferret. Ita enim de se meritum esse, ut lubenter juvare ipsum velit: hac vero in re nullam aliam gratificandi rationem dispicere. Et conclave quidem carceris hic habuit aulæ ornatum, & cetera omnia non minus quam extra carcerem magnifica: compedes tamen ac catenas non minus duras ac graves quam de vulgo quis ferre cogebatur. Beza ut Imagines suas auctiores faceret, etiam Pontium Leonem admisit, tamquam gloriosum martyrem ad cœlum usque laudibus effrens. Sed nihil hoc mirum. Eiusmodi hominibus liber ille plenus est: qui diaboli potius quam Dei sunt martyres. Pontius enim hic præter hæresis crimen, peccati quoque nefandi convictus, & ab Inquisitione damnatus fuit. Sed cur Beza non licet eos laudibus ornare, quibus idem, quod ille cum amasio suo commisit, (ut ipse non dissimular, & alibi nos indicavimus) peccatum placet? Habeat ergo suum sibi Pontium qui sub tali iisdem vitiis infami præfecto, optimo jure hæreseos signifer esse meretur. Sed idem Beza alium suis adnumerat, qui tamen suus non est. Casallum dico, qui præceptor fuit Joanna, Caroli V. Imperatoris filia, Joanni postea Lusitanæ Regi, Sebastiani patri nupræ, ejus quæ insigne Xenodochium & monasterium Madridiæ ædificavit, in quod postea Maximiliani Imperatoris vidua, ejusdem Caroli V. filia, concessit. Sed de Casallo res sic habet. Postquam suo ipsius testimonio hæreseos convictus, & ab Inquisitione ut vivus combureretur, damnatus esset, multi Hispanæ magnates, ut vitæ ei gratiam faceret, apud Regem intercesserunt, spe facta fore ut hæresin ejuret ac detestetur. Quibus Rex respondit, si filia quoque sua vel micam haberet hæreseos, eam se iustitia ultro traditurum. Casallus damnatum se vindens, boni angelii inspiratione monitus, de animæ

sue salute sollicitus esse, erroresque quos amplexus fuerat considerare cœpit. Cum docto ergo homine colloquutus, & tandem, quamvis doctissimus esset, erroris convictus, publice hæresin ejuravit, & remissio Novatorum doctrinæ nuncio, Catholicæ Ecclesiæ fidei se consignavit, & ad Romanæ Ecclesiæ unionem rediit. Hac victoria latus Rex, supplicium homini leniri jussit: qui ad locum supplicii productus, longam & doctam de conversione sua orationem ad populum habuit, ac protestatus est, se non ut Protestantem infidelem, sed fidèlem ac bonum Catholicum, in fide Ecclesiæ Apostolice Romane, extra quam salus non sit, moriturum. Quam confessionem etiam mox sanguine suo obsignavit, glorioso triumpho in cœlestem Beatorum sedem receptus. Hoc modo vitam Casallus clausit, cum æterno hæreticorum opprobrio, qui impudenti sine mendacio suis cum accensore non verentur, mentitis martyribus.

DE IIS QUÆ IMPERATOR FERDINANDUS post Caroli fratris discessum, ad Catholicam stabiliendam Ecclesiam egit.

CAPUT SEPTIMUM.

ARGUMENTUM.

- I. Lutherani è Colloquio VVormatiensi turpiter discedunt, inter se divisi & se mutuo dannantes.
- II. Miraculum Augusta Vindelicorum factum.
- III. Maximilianus Ferdinando Imperatori succedit.
- IV. Protestantes de auxilio contra Turcam sollicitat, quittergiversantur.

I. **F**ERDINANDUS quamvis ut Imperii, ita & studii fraterni in Ecclesia Catholica tuenda successor esset: tamen quum à Turca, qui Hungariam pœne totam jam pervaferat, externum bellum immineret, coactus est, ut Germaniæ statum tales, qualem à Carolo accepérat, conservaret, ad pacem domi constituendam omnem operam conferre. Itaque conventu imperii Ratisbonam indicto, qui ad finem Anni 1556. cæptus in sequentis anni ver protractus est, Protestantes Principes non semel interpellavit, ut in federe aduersus Turcam societatem secum venirent, reliquiasque Hungariae & Transsilvania conjunctis copiis defendarent. A quibus contra petitus est, ut Religionis controversia decidetur, quoniam id à Consilio, ob incidentes bellorum matutis, factum non esset. Imperator quem cautiorem jam fecerant